

تۈرك ئۇيۇردى

تۈركلەر فائىدەسىگە جالېشېر اۈن بىش كۈندە بىر چىقار

يىل ۷ - جلد ۱۴ - عمۇمى صاى ۱۵۹

۳۰ خىزىران ، ۱۳۳۴ - صاى ۹

فرزماندی معرنا

باشقه برشی یوقدر، کنیش موز یاپراقلرینک
آلته کیرلر طاش، قدر سرت، صارماشیق کچی
بربری ایچنه کیرمش، وطوپراغه ایلیق کولکه سی
قدر یقین دوران سبارهلر حرارتک بر قسمی
کندیله نشر ایدیورکی انسانه نفرت ویرر.
کونش، باتماور، توله نیورکی غروب ایدر،
وغروب ایدنشی ایچی بوشامش، صوک کسکین
آتشی داملاش بردارده دن عبارتدر.

قدس شهرندن صوکره متادیآ آچالوب
شریعه وادیسنه این چیلای صاری تپهلر،
شریعه نهرندن صوکره ارتفاع آلوب
کوک سنجاغی دالغهلاندران قورو داغ
نومه لری واردر. انسان دنیانک المنحط
یرنده کیم بیلیر هانکی معجزه ایله یاشایان لوط
کولنه وشریعه نهرینه کیدرکن، تنفس ایتدیکی
هواده فلسطین باغلرینک خیالی وموسم قوقولری
غیب اولور. باغلردن شرابی کندی کندی
صیدیران مشتهی کونشک آرتق کونک ساعتلرندن
آلدینی رنگلر، و دنیا به قارشى دویدینی هوس
قالماز. قیزغین، بوش برلوحه کچی شرقی
آفریقادان ارضی یعقوب کلن غور وادیسی
اوزرنده یانوب دورر. سیاحلرک باتمادینی لوط
کولی، پیغمبر عیسانک ییقاندینی شریعه،
فلسطینک یابس، یواش، و مزعج نهری
وشیمدی وطنی مدافعه ایدن تورکلر ایشته بو
وادینک ایچنده در. لوط کولی اوقدر جانمزه که
چول ایچنده چول ظن ایدیلیر وشریعه ایله
کلن بالقلر نهرک آغزنده اونک آجی صوینه
تماس ایدر ایتمز اولوب کیدرلر.

اسکیدن، یابانچیلری کندیلرندن صایان،
اونلر ایچون مرحمت واضطراب حس ایدن
تورکلر طانیردم؛ قیشین، اکر فیرطنه وارسه،
پوتون عالمه خلقی، قیصیلوب پارلایان لامبا
آلویه قارشى اندیشه ایله صوصار، هپ برابر
غریبده قالمش یولجیلری دوشونوردک. اخشاب
اولرک یاغورله چورون تحتلری آرقه سنده،
یاشلی تورک قادیلرینک نصل صمیمی دعالر
اوقودقلرینی خاطرلایورم. اونلرک محبتلری نه
قدر واسع، قبلری نه قدر صیجاقدی.

ایکی هفته دن بری آرتق یاز کونلرنده یز؛
نیم ایچمده باشقه برغرینک آدملری ایچون مناجات
احتیاجی وار: طاشلری صولدران، بهاری
یتاب براقان اقلیملرده ودها جنوبده هیچ
بهار، هیچ موسم کورمه ین اقلیملرده، صولغون
اوابلری، یورولش قوللری وطنک صیجاق
طوپراقلرینی مدافعه ایدن تورکلری دوشونیورم.
شریعه بوننده، عدن اطرافده، مقدس
مدینه نک ایچنده، طاش وقوم چوللرینی کجوب
شامدن مدینه به کیدن حجاز خطی اوزرنده
یکلرجه قهرمان، بویازک اوصالح ویرن کونلرینی ده
آتسه، ایصنش دمیره قارشى وقیزغین طوپراق
اوستنده کچیره جکلر.

قدس اوزرنندن لوط کولنه اینه ین هیچ
کیسه شریعه وادیسنک نه اولدینی تخمین ایده مز؛
اوزاده طوپراق بیلر تجر ایدر، ساعتلرجه
مسافده قیسه دالای خرمالرک آتجق کندی
کووودلرینه دوشه بیلن بهوده کولکه لرندن

اصل قدس شهری جبل الزیتونک آرقه -
سندھ اولدیغندن ، یولجیلر ، شریعه دوعرو
وکوک داغلری اوستند ، جبل الزیتونک الک
مرتفع یرنده بولونان آلمان ساناتور یومنی کوررلر.
سیاه بر نقطه کی دوران ساناتور یوم اوزاقدن
قدسک مژده سیدر . شیمدی ، بزم عسکرلریمز ،
کوزلری بو سیاه نقطه صابلاشمش قدسی
کورنلرک روحی ایچنده قدسک سوکیلی خاطرانی ،
کورمه یئیلر جامع عمرک بیاض سرمرلری اوستند
سجده ایش آرداشلرینک حکایه لریله مست ،
محاربه ایدیورلر .

بو ، بوتون وساطتی غایت اوزون منزل
خطلرینک مشکل تقایاتندن بکله یین آناطولی
چوچقلرینک قازیشند ، بر آغیر ماکنه کی
دائما رایلر اوستند یورویوب کان زنکین ،
وساطتی مبدول بردشمن وار . انکیزلر قانال ،
چول ، سینا حربلریک هیسندہ دائما بزه
فائقدی ، وغلبه کونشی بر جوق زمان سپرک
تورک صفرلی اوستند سوکدی . تنها چوللرده
تورکرلرک حربی کورمینلر تورکرلرک قهرمان
اولدیغنی نصل آکلایه ییلیر ؟ عراق ، جنساق
قلعه ، قفقاسیه ، غالیچیا ، ورومانیا جبهه لرنده
هر موسمه هر دشمنه ، هر اقلیمه قارشى
حرب ایدن بوجسور آدملر هر کولک اون
ایکی امتحانی ویردیلر .

دها صوکره حجاز خطی ، مدینه یی ، یغی
مدافعه ایدنلر وار . حجاز چولنده دشمن ثابت
بر شی دکدر ، استقامتی بولماش بر روزگار
کی شورادن بورادن ، آز ویاجوق ، کوندوز
ویاکیجه ظهور ایدر . عصبانک ایلک کونلرندن
بری تورکرلر تیقظ ، جسارت و بی پرواسه کونلریله

رایلرک یانسنده بر مدیردن خط کی دوردی ،
وبوتون متعزلی بر برر واکثر یاسونکولرله
داغیندی . حجاز خطنک مدینه یه قدر هیچ بر
قصبه دن کجه یین نامتناهی کذرکاهنی تصور ایدیکز :
بوراده بر مفرزه قوم اوستند بر کوچک
طاشدر . الک اوزون ترن بیاه یوررکن کنسینی
یالکیز ، داغلر باشنده قالمش بر قوتسز آدم
قدر یالکیز حس ایدر . دمیرک دودینی بر
احتراز ، بر یغین دمیرلردن مرک ترنک ، بر
لکه کی حرارتک کیتدکجه مص ایدوب اوفالتدینی
برناچیز شی کی قالدینی حس ایدیلر . افقلرینک
مسافه سی بر درین اوچوروم قدر باش دوندیرن
بادیه لری اووچی ایچنده وکنسیدی محافظه
ایتدیکز بر پارچه دیه دوشونمک ایچون نه
سلطنته آلیشمش بر روح لازمدر .

برکون بیکلرجه افقک بری برقاچ سیوری
نقطه اوزرند بوکولور : اشته بر اووچ عسکرک
ایکی سنه دنبری مقدس مرقه نبوی صیانت
ایتدککری مدینه بورا سیدر . یازین مدینه ده
دیزلر بر اودانی بیله دولاشمغه تحمل ایده مز .
شهرلیر بوتون کونلری قالین دووارلر ایچنده
ومهادیا دولوب بوشالان صو قاپلرینک یانسنده
کچیرلر . مدینه قوم افقلر ، رنکارنک طاش
داغلر ، مکیه کیدن چوللر ، جدیه ، نجده ،
شام معموره لرنه کیدن بجز توکنمز چوللر
آراسنده طاش اولردن عبارت بر یردر . و مرقه
چوللرک ، معمور ویاخراب مسلمان وطنلرینک
کوزلریله محاط ، ساکن وقور و معظم دورر .
شیمدی بو مرقدک مبارک ساکنی آناطولی
کنجارینک تعظیم ، و عهد و پیمان ایله چورلمش
قوللرینک متواضع چنبری ایچنده ، مبارک یوزنی
۴۲۶۷

هیچ کورمه یی یابانچی برنسلک قلمده، عصرلردن
صوکره، دنیانک الک بویوک محبتلردن بری
حسن ایتدیکی ایچین کیم بیلیر نه قدر خوشوددر!
قلبی دوکمک ایچون لسانی اولمایان صاف و
بتون قهرمانلر کی ساکت آناطولی، قاتی
دوکه دک عشقی آکلاتیور.

مدینه ده کی قطعه نیک قومانداتی طانیرم،
اسلام روحلی، آناطولی قهرانی حسن ایدن،
سکوت ایچنده اونلرله قوتوشوب دردلشن
برعسکر در. مدینه دن کلنلر بکا برجوق مناقب
اکلاتدی: قوماندان، قیزمش سپرلر ایچنده
یورولوب ضعیف دوشن قهرلر صره ایله اذن
ویرر. اونلره مدینه نیک کولکه باغچمسی ایچنده
قره کوز سیر ایتدیرر: کیم بیلیر هانکی قاش
ویا دری ایله اعمال اولونمش تصویرلری
اوینانان آدمک سوله نه جکی سوزلری قوتتول
ایدر، وبعضا نصیحتلر ویرر. ماضی واستقبالی
چایوق اونوتان، قهرمانلر ناصل دوشسکون
دشمنلری عفو ایدرلر، بتون اضطرابلری
اویله عفو ایدن قهرلر، اکلنجه دن صوکره،
قوماندانلرله روضه خدمت نیوییدی ایفا،
ایدرلر، ویواش یواش، دمیرلری صولمش

سلاحلری، زنکلی قلامش انوابلری وطونج
اولمش چهره لرله سپرلرینه عودت ایدرلر.
یمن قهرمانلری نه یاپیور؟ اونلرله صالح
وقتندن بری تماش ایتهدک. آره صره نجابلر
اوزاق دیازدن کویله اوئوتولمش آدملرک صحت
مکتوبی کتیررکی، اونلردن بزه خبر کتیر یوردی.
مینده حرب ایدنلر بلکه بزم بوکونکی اونیفورمه
مزدن، جهه لریمزدن، حربلریمزدن بیله
خبردار دکدر.

بوصرده جنوبی عربستانک مبارک امامی،
امام یحیی ی حرمله ذکر ایتلی یز. امام
یحیی شمالده وشرقده عصیان ایدن قیلرله
قارشی، انسانلری، ثروتی وهرشیی بزم
ایچون فدا ایتدی و قطعاً تمزله برابر عدنی
محاصره ایتدی.

یمنی هیچ بیلمه یورم، بلکه کونشی شریعه
کونشدن دهاصیجاق، چوللری حجاز چوللرندن
دها قورو، دهانهایتسزدر. فقط بونک نه
اهمیتی وار؟ هرطرفده برنسلک قهرمانلری
وار، قهرمانلر ایچون اقلیملر، دشمنلر،
دکزلر وقره لر بردر.

فالح رفی

